



## Universitätsbibliothek Paderborn

**D. Burchardi VVormaciensis Ecclesiae Episcopi,  
Decretorum Libri XX. ex Consiliis, & orthodoxoru[m]  
patru[m] Decretis, tum etiam diuersaru[m] nationum  
Synodis, ceu loci communes congesti, in quibus ...**

**Burchardus <Wormaciensis>**

**Parisiis, 1549**

Quòd ecclesiasticarum rerum incendia, & deprædationes pro emunitate  
sint emendandæ. xxvi.

**urn:nbn:de:hbz:466:1-10722**



*Ex codē. cap. 6.* **S**I quis cuiuscunque munuscula Ecclesie sanctis scripturarū titulis collecta, nefaria calliditate abstulerit, fraudauerit, inuasit, retentauerit, atq; surripuerit, & non statim à sacerdote commonitus Deo collata reddiderit, ab Ecclesie catholice communiōne pellatur.

*Ut res ablatæ cum multiplicatione restituantur.*

Caput XXV.

*Ex decr. Eusebij p. ca. 4.* **E**ST etiam in antiquis Ecclesie statutis decretum, ut qui aliena inuadit, non exeat impunitus, sed cum multiplicatione omnia restituat. Vnde & in Euangelio scriptum est, quod si aliquid aliquem defraudauit, reddo quadruplum.

*Quod Ecclesiasticarum rerum incendia & depredationes pro emunitate sint emendanda.*

Cap. XXVI.

*Ex epist. Gregor. papæ ad Constātinam reg. Gallie.* **C**um deuotissimam dominā sciam de cœlesti vita cogitare, remedio animæ suæ sedulo cogitare, culpam me committere vehementer existimo, si ea quæ pro timore omnipotentis Dei sunt suggerenda siluero, & te sanctissimam de Ecclesiastica pace sedulo non comonuerō. Nimis meliani, fratris & coepiscopi nostri proclamatio nuper commisit, maximè cum villæ suæ videlicet Ecclesie à nequissimis prædonibus sint depredatæ, atq; nocturnis incendiorum more furum combustæ: & dum idem maligni iuxta notitiam prædecessoris Bonifacii decreta, pro emunitate illud emendare noluerint, dum & seculi leges hæc eadem ita habere voluerint, lege vulgari teste, in qua sic scribitur: Si quis manu armata vsque ad quatuor homines in vicum alterius malefaciendum venerit, ille, qui prior est illicita præsumptione componat solidos DCCCC. sequaces vero unusquisque solidos LXXX. si verò ibi incendium fecerint, sibi nonam componant, prædam verò in quadruplum restituant. Si seculi leges talem iustitiam habere voluerint, lex diuina quæ inferior esse debet, cum in ipsa veritatis præsentia à Zachæo collaudatum sit, si aliquem defraudaret, vt in quadruplum restitueret. Et quia in regibus bonum est iustitiam colere, ac sua cuiusque iura seruare, & in subiectos non sinere quod potestatis est fieri, sed quod æquum est custodi, quod vos & diligere, omnino confidimus studere: quapropter excellentiæ tuæ



in mense Nouembri præsentis anni, secunda indiçione, Petrum & cœpiscopum à gremio sanctæ Romanæ Ecclesiæ transmittimus, vt fratribus eiusdem prouinciæ in vnum congregatis, emunitas & præsumptio & sacrilegium canonica autoritate, & vestra regia dignitate talem terminum accipiant, ne post hac membra diaboli, filii nequam, in sancta Ecclesia te etiam ibi regnante talia præsumant.

*De rebus Ecclesiasticis quomodo restitui debeant. Cap. XXVII.*

**E**T in legibus seculi cautum habetur. Qui rem surripit alienam, illi cuius res dirempta est, in vndecuplum quæ sublata sunt restituat. Et in lege diuina legitur. Maledictus omnis qui transfert terminos proximi sui: & dicit omnis populus, amen. Talia ergo non præsumantur absque ultione, nec exerceantur absque damnatione. Pacem, & non damnum aut iniustitiam alicuius, sectamini in inuicem, & in omnes. Proinde si quis Ecclesiasticas oblationes, & quòd Deo consecratum fuerit, rapuerit, vel consenserit facientibus, vt sacrilegus diiudicetur, & damnum in quadruplum restituat, & canonicè pœniteat.

*Quòd sacrilegi sint Ecclesiarum prædones. Caput XXVIII.*

**S**acrilegi sunt Ecclesiarum prædones. Vnde & in concilio Agatensi sub quarto capitulo decretum habetur. Ira amico quippiam rapere furtum est: Ecclesiæ verò fraudari vel abstrahi surripique sacrilegium. Omnes enim contra legem facientes, resque Ecclesiæ diripientes, vel Ecclesias sacerdotesque contra diuinas sanxiones vexantes, sacrilegi vocantur, atque indubitanter infames, sacrilegique habendi sunt.

*De eadem re. Cap. XXIX.*

**A**D sedem autem apostolicam perlatum est, quòd sint inter vos contentiones & emulationes, & prædia diuinis vsibus tradita, quidam humanis applicent vsibus, & domino Deo cui tradita sunt ea subtrahant, & suis vsibus inseruiant. Quapropter ab omnibus illa vsurpationis contumelia depellenda est, ne prædia sub secretis cœlestibus iudicata à quibusdam irruentibus vexentur. Quòd

*Ex decret.  
Eusebii  
cap. 8.*

*Ex cœcil.  
Moguti,  
cap. 3.*

*Ex epist.  
Pii papæ  
Italicis  
fratribus  
missa.*